



KERATAN AKHBAR

SURAT KHABAR	:	KOSMO			
TARIKH	:	29/9/2019	MUKA SURAT	:	10
JABATAN	:	PERHILITAN			
KLASIFIKASI	:	PERHATIAN			

Tapir betina cedera dilanggar

KUALA SELANGOR - Seekor tapir betina cedera dilanggar sebuah kereta jenis Perodua Axia di Jalan Bukit Cerakah, Puncak Alam di sini kelmarin.

Dalam kejadian pada pukul 9.30 malam itu, haiwan tersebut dipercayai keluar dari kawasan hutan berhampiran dan cuba melintas jalan sebelum dilanggar kereta.

Pengarah Jabatan Perlindungan Hidupan Liar dan Taman Negara (Perhilitan) Selangor, Haidar Khan Mokbolhassan berkata, pihaknya menerima laporan kejadian itu daripada pasukan bomba dan penyelamat.

Setibanya di lokasi kejadian, tapir itu dilihat terdampar di tepi penghadang jalan akibat dilanggar sebuah kereta dan mengalami kecederaan pada beberapa bahagian badan.

"Hasil pemerhatian, tapir tersebut tidak dapat bergerak akibat kecederaan pada kaki kepala dan badan, namun masih



ANGGOTA bomba cuba menyelamatkan seekor tapir betina yang cedera dilanggar sebuah kereta jenis Perodua Axia di Jalan Bukit Cerakah, Puncak Alam, Selangor kelmarin.

dalam keadaan sedar.

"Penghadang jalan terpaksa dipotong bagi mengeluarkan haiwan itu dan operasi menyelamat selesai dalam tempoh dua jam," katanya ketika dihubungi di sini semalam.

Haidar Khan berkata, haiwan seberat kira-kira 300 kilogram itu kemudiannya dibawa ke Pu-

sat Konservasi Hidupan Liar Sungai Dusun untuk rawatan.

Sementara itu, Ketua Bomba dan Penyelamat Zon Klang, Samsol Maarif Saibani berkata, pemandu kereta itu tidak mengalami kecederaan dan pihaknya melaporkan kejadian itu kepada Perhilitan Selangor untuk tindakan lanjut.